



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____/13

Datum: _____.godine

PRIJEDLOG

Na osnovu člana 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03 i 22/06 i 43/10) i člana 14. Statuta Općine Tešanj ("Službeni glasnik općine Tešanj", broj: 11/07), Općinsko vijeće Tešanj na svojoj _____ sjednici održanoj _____ . godine, donosi

**O D L U K U
O IZMJENAMA I DOPUNAMA ODLUKE O ORGANIZIRANJU I FUNKCIONIRANJU
ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I
DRUGIH NESREĆA NA PODRUČJU OPĆINE TEŠANJ**

Član 1.

U Odluci o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj („Službeni glasnik Općine Tešanj“, broj: 2/08 i 9/09), u članu 38. **stav 2. briše se.**

Član 2.

Odluka stupa na snagu narednog dana od dana objavljivanja u "Službenom glasniku Općine Tešanj".

Dostavljeno:

1. Općinski načelnik
2. Općinsko pravobranilaštvo
3. Općinsko vijeće,
4. Služba civilne zaštite
5. Arhiva.

PREDSJEDAVAJUĆI VIJEĆA

Fuad Šišić, dipl.ing.maš.

O b r a z l o ž e n j e

I – PRAVNI OSNOV

Pravni osnov za donošenje Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Tešanj sadržan je u članu 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03, 22/06 i 43/10) i članu 14. Statuta općine Tešanj ("Službeni glasnik općine Tešanj" broj: 11/07).

II – RAZLOZI ZA DONOŠENJE ODLUKE

Odluka o organiziranju i funkcioniranju zaštite i spašavanja od prirodnih i drugih nesreća za područje općine Tešanj predstavlja temelj za ustroj zaštite i spašavanja. Zakon o zaštiti i spašavanju ljudi i materijalnih dobara od prirodnih i drugih nesreća je dao okvir za organiziranje zaštite i spašavanja i mogućnost i obavezu da svaki nivo vlasti donese dokument o organiziranju i funkcioniranju zaštite i spašavanja prilagođenu svojim planovima, potrebama i mogućnostima.

III – OBRAZLOŽENJE PREDLOŽENIH RJEŠENJA

Zakonom o zaštiti i spašavanju ljudi i materijalnih dobara od prirodnih i drugih nesreća predviđeno je organizovanje specijalizovanih jedinica civilne zaštite, koje imaju za cilj obavljanje poslova za čije je vršenje potrebno imati posebnu opremu, znanja i osposobljenost, a koje nisu u mogućnosti provoditi postojeće službe pravnih lica na području općine. U članu 38. dosadašnje Odluke o organizovanju i funkcioniranju zaštite i spašavanja od prirodnih i drugih nesreća na području općine Tešanj ("Službeni glasnik Općine Tešanj", 2/08 i 9/09), utvrđeno je organizovanje specijalizovane jedinice za zaštitu od požara i specijalizovane jedinice za radiološko-hemijsku i biološku zaštitu.

Kako je kroz organizaciju sistema zaštite i spašavanja Federacije BiH i Zeničko-dobojskog kantona (ZDK) akcenat dat na organizovanje službi zaštite i spašavanja, tako je kroz Procjenu ugroženosti od požara Općine Tešanj ("Službeni glasnik općine Tešanj", broj: 9/13) utvrđena obaveza organizovanja službe za zaštitu od požara u okvirima dobrovoljnih vatrogasnih društava, zašto su se stekli odgovarajući uslovi. S tim u vezi nema dalje potrebe postojanje organizacije specijalizovane jedinice za zaštitu od požara.

Također je, na nivou ZDK je organizovana Služba za radiološko-hemijsko-biološku (RHB) zaštitu za cijelo područje Kantona, a u okviru OJ Metalurški institut "Kemal Kapetanović" u Zenici, pa stoga nema opravdanosti za daljim organizovanjem specijalizovane jednice za RHB zaštitu.

Predložena rješenja imaju za cilj i usklađivanje organizacijskih dokumenata i struktura prema hijerarhiji u zaštiti i spašavanju od nivoa općine do nivoa Federacije.

Uzimajući u obzir da je organizacija sistema zaštite i spašavanja na području općine Tešanj prevashodno usmjerena ka izgradnji manjeg i efikasnijeg sistema zaštite i spašavanja, sa težištem na službe zaštite i spašavanja, predložena je ovakva Odluka.

O B R A Đ I V A Ć
SLUŽBA CIVILNE ZAŠTITE

Mensur Saletović, profesor

P R E D L A G A Ć
OPĆINSKI NAČELNIK

Mr.Sc.Suad Huskić, profesor

Broj: 02-02-1-5179-2/13
Datum: 09.12.2013.godine